

Na osnovu članova 10 i 12. Zakona o udruženjima i fondacijama Bosne i Hercegovine ("Službeni glasnik BiH", broj 32/01 i 42/03 i 63/08), Osnivačka skupština Udruženja za unapređenje obrazovanja i podrške djeci sa i bez poteškoća u razvoju «EDUKACIJA ZA SVE» (daljem tekstu: Udruženje), na sjednici održanoj 01.11.2010. godine u Sarajevu, donosi:

STATUT

Udruženja za unapređenje obrazovanja i podrške djeci sa i bez poteškoća u razvoju
«EDUKACIJA ZA SVE»

Član 1.

Ovim statutom uređuje se: naziv, sjedište i područje na kojem Udruženje djeluje, djelatnost Udruženja, svrha i programski ciljevi Udruženja, uvjeti i način u članjenja u Udruženje i prestanak članstva, kao i prava, dužnosti i odgovornosti članova Udruženja, upravni organi Udruženja, način njihovog izbora, uvjeti i način opoziva, trajanje mandata, način odlučivanja i odgovornosti, način sticanja korišćenja i raspolaganja sredstvima Udruženja, način donošenja odluke o prestanku rada Udruženja, javnost rada, način donošenja statuta, izmjene i dopune statuta, pečat i zastupanje i predstavljanje Udruženja u skladu sa Zakonom.

Član 2.

Udruženje je nezavisna, nevladina, nestranačka, nereligijska i neprofitna, nevladina organizacija koja razvija i unapređuje obrazovanje i podršku djeci sa i bez poteškoća u razvoju, partnerstvom sa vladinim, nevladinim i profitnim sektorom, kroz edukaciju, informiranje i podizanje svijesti javnosti.

Član 3.

Udruženje ima svojstvo pravnog lica koje stiče nakon upisa u registar kod nadležnog ministarstva u skladu sa Zakonom.

1. NAZIV, SJEDIŠTE I PODRUČJE DJELOVANJA UDRUŽENJA

Član 4.

Naziv Udruženja je:

Udruženje za unapređenje obrazovanja i podrške djeci sa i bez poteškoća u razvoju
«EDUKACIJA ZA SVE»

Udruga za unapređenje obrazovanja i potpore djeci sa i bez poteškoća u razvoju
«EDUKACIJA ZA SVE»

Удружење за унапријеђење образовања и подршке дјечи са и без потешкоћа у
развоју «ЕДУКАЦИЈА ЗА СВЕ»

Skraćeni naziv: «EDUS»; «EDUS»; «ЕДУС»

Član 5.

Sjedište udruženja je u ul. Mjedenica 34, Sarajevo

Član 6.

Udruženje djeluje na cijelom području Bosne i Hercegovine.

Udruženje može otvarati urede/kancelarije izvan sjedišta na cijeloj teritoriji Bosne i Hercegovine u skladu sa Zakonom. Odluku o otvaranju ureda/kancelarije, donosi Skupština Udruženja.

2. CILJEVI ODNOSNO DJELATNOST UDRUŽENJA

Član 7.

Udruženje obavlja djelatnosti sa ciljem ostvarivanja ciljeva kako slijedi:

- Okupljanje stručnjaka, roditelja i ostalih građana koji žele da postojeće sisteme vezane za razvoj djece (obrazovanje, nauka, zdravstvo i socijalna zaštita) unaprijede i bolje prilagode individualnim potrebama svakog djeteta;
- Zalaganje za uvođenje modernih i efektivnih, naučno dokazanih metoda rada sa djecom sa i bez poteškoća u razvoju;
- Edukacija stručnjaka, studenata, roditelja i šire javnosti;
- Iniciranje i pomoć u razvoju sistema rane detekcije, dijagnoze i intervencije poremećaja i problema u razvoju djece, naročito bitne za djecu sa težim razvojnim poremećajima, kao što su poremećaji autističnog spektra.
- Unapređenje i bolje uvezivanje obrazovnog, zdravstvenog i socijalnog sistema kako bi bili što bliži stvarnim potrebama djece sa i bez poteškoća u razvoju i njihovih porodica;
- Praćenje savremenih svjetskih tokova u ovoj oblasti i primjenjivanje najboljih praksi;
- Iniciranje i podrška razvoju relevantnog naučnoistraživačkog rada;
- Podrška razvoju međunarodne naučne saradnje na državnom i međunarodnom nivou;

- Organiziranje i sprovođenje izvansistemskih aktivnosti koje mogu da povećaju kvalitet podrške djeci u razvoju;
- Organiziranje aktivnosti u smislu podizanja svijesti o potrebama u oblastima vezanim za razvoj djece, kao i efektivnim rješenjima;
- Razmjena informacija i iskustava sa vladinim, nevladinim i profitnim sektorom u oblastima od zajedničkog interesa.
- Kreiranje i izdavanje relevantnih stručnih i edukacionih publikacija.

3. POSTUPAK PRIJEMA I ISKLJUČENJA ČLANA IZ UDRUŽENJA

Član 8.

Članstvo u Udruženju je dobrovoljno.

Član Udruženja može po pravilu biti svako pravno i fizičko lice državljanin Bosne i Hercegovine ili strani državljanin, a koji prihvata Statut, ciljeve i djelatnosti Udruženja.

Članovi udruženja ne mogu biti:

- lica kojima je izrečena mjera bezbjednosti zabrane javnog istupanja, dok ta zabrana traje,
- lica osuđena za krivična djela protiv bezbjednosti ili krivična djela ugrožavanja osnovnih ljudskih prava, kao i za krivična djela preuzeta po osnovu međunarodnih konvencija,
- lica kojima je izricana kazna isključenja ili neka disciplinska mjera kod drugih Udruženja i organizacija,
- lica koja svojim lošim odnosom prema ostalim članovima narušavaju jedinstvo Udruženja.

Član 9.

Uslov za članstvo u Udruženju jeste davanje izjave pristupa i prihvatanja programskih ciljeva i Statuta Udruženja.

Član 10.

Prava i dužnosti članova Udruženja su:

- da biraju i budu birani u organe Udruženja;
- da učestvuju u radu Udruženja;
- da razmatraju i ocjenjuju rad organa Udruženja;
- da pokreću pitanje odgovornosti i opoziva organa Udruženja;
- da budu blagovremeno informirani o radu Udruženja;

- da prisustvuju svim skupovima, da daju prijedloge, postavljaju pitanja i traže odgovore;
- da ostvaruju određena prava i pogodnosti u skladu sa Odlukama i drugim aktima Udruženja;
- da se u svemu pridržavaju odredaba ovog Statuta;
- da aktivno učestvuju na ostvarivanju ciljeva i izvršavanja zadataka Udruženja; i
- da čuvaju ugled Udruženja pridržavajući se i promovišući pozitivna iskustva i prakse.

Član 11.

Članovi Udruženja su ravnopravni u ostvarivanju svojih prava i izvršavanju obaveza.

Član 12.

Članstvo u Udruženju prestaje u slučaju:

- da član Udruženja djeluje suprotno programskim ciljevima Udruženja;
- da član Udruženja neprimjerenim aktivnostima i svojim ukupnim ponašanjem ruši ugled Udruženja;
- da član ne plati članarinu Udruženju, utvrđenu ovim Statutom, za jednu godinu;
- da član Udruženja dobrovoljno istupi; i
- prestanka člana, smrću ili likvidacijom.

Član 13.

Odluku o isključenju člana Udruženja donosi u pismenoj formi Skupština. Prijedlog za prestanak članstva pojedinog člana/ova u Udruženju podnosi Izvršni direktor. Isključeni član ima pravo žalbe Skupštini u roku od (petnaest) 15 dana od prijema odluke o isključenju.

Odluka Skupštine po žalbi je konačna.

4. ORGANI UDRUŽENJA

Član 14.

Organi Udruženja su :

- Skupština
- Izvršni direktor
- Zamjenik Izvršnog direktora
- Generalni sekretar

SKUPŠTINA UDRUŽENJA

Član 15.

Najviši organ Udruženja je Skupština.

Skupština se sastaje po potrebi, a najmanje jednom godišnje. Saziva je Predsjednik Skupštine (petnaest) 15 dana prije zakazanog datuma zasjedanja.

Predsjednik Skupštine je dužan sazvati Skupštinu u slučaju kada to zahtjeva najmanje 1/3 članova Skupštine ili kada to zatraži Izvršni direktor.

Radom skupštine rukovodi Predsjednik Skupštine. Mandat Predsjednika Skupštine traje četiri godine sa mogućnošću reizbora.

Skupština radi i odlučuje na osnovu Poslovnika o radu. Poslovnik o radu se usvaja na osnivačkoj sjednici Skupštine. Kvorum čini više od polovine članova Udruženja, a odluke se donose većinom glasova prisutnih članova.

Izjašnjavanje na sjednici Skupštine je javno.

Član 16.

Skupština Udruženja ima prava, dužnosti i odgovornosti:

- donosi Statut, izmjene i dopune Statuta i druga akta Udruženja određena Statutom;
- donosi odluku o otvaranju ureda izvan sjedišta Udruženja;
- odlučuje o spajanju, razdvajanju, transformaciji, raspuštanju i prestanku rada, kao i o drugim statusnim promjenama Udruženja;
- imenuje i razrješava Izvršnog direktora, zamjenika Izvršnog direktora i generalnog sekretara;
- usvaja godišnje izvještaje o radu/finansijske izvještaje pripremljene od strane Izvršnog direktora;
- usvaja godišnji program i plan rada Udruženja;
- usvaja strateški plan Udruženja;
- donosi finansijski plan Udruženja;
- usvaja završni račun Udruženja; i
- obavlja druge poslove koji nisu u isključivoj nadležnosti drugih organa Udruženja.

Član 17.

Za realizaciju određenih poslova Skupština može obrazovati radne grupe, odbore, sekcije i komisije u skladu sa odlukama Skupštine.

IZVRŠNI DIREKTOR

Član 18.

Izvršnog direktora bira Skupština, na mandatni period od četiri godine, sa mogućnošću reizbora. Izvršni direktor za svoj rad odgovara Skupštini.

Izvršni direktor je naredbodavac za izvršenje finansijskog plana Udruženja i odgovoran za zakonitost rada Udruženja.

Izvršnog direktora u odsutnosti mijenja lice imenovano posebnom odlukom Skupštine Udruženja, sa opsegom ovlaštenja koje mu dodjeli Skupština, na prijedlog Predsjednika Skupštine.

Član 19.

Izvršni direktor je obavezan da poslovanje Udruženja vodi u skladu sa pozitivnim zakonskim propisima, odredbama Statuta Udruženja i odlukama Skupštine Udruženja.

Član 20.

Izvršni direktor ima prava, dužnosti i odgovornosti:

- rukovodi radom Udruženja i organizira njegov rad;
- zastupa i predstavlja Udruženje;
- predlaže strateški plan Udruženja;
- predlaže godišnji program i plan rada Udruženja;
- rukovodi izvršenjem finansijskog plana;
- stara se o realizaciji programskih i planskih zadataka i realizira odluke i druga akta Udruženja;
- saziva sjednice Skupštine;
- podnosi godišnji izvještaj o radu Udruženja skupštini.
- stara se o pravilnom korištenju imovine Udruženja, o urednom obavljanju materijalno-finansijskog poslovanja, stručnom, zakonitom i blagovremenom obavljanju stručnih i administrativnih poslova;
- priprema i predlaže donošenje Statuta i drugih akata iz nadležnosti Skupštine Udruženja;
- izvršava odluke Skupštine; i
- obavlja druge poslove koje mu povjeri Skupština Udruženja.

Član 20a.

Zamjenik izvršnog direktora:

- rukovodi radom Udruženja i organizira njegov rad,
- zastupa i predstavlja Udruženje,
- stara se o realizaciji programskih i planskih zadataka, i realizira odluke i druge akta Udruženja,

Generalni sekretar:

- rukovodi radom Udruženja i organizira njegov rad,
- zastupa i predstavlja Udruženje,
- stara se o realizaciji programskih i planskih zadataka, i realizira odluke i druge akta Udruženja,

Zamjenika Izvršnog direktora i Generalnog sekretara Udruženja bira Skupština na mandatni period od četiri godine sa mogućnošću reizbora.

5. PRAVILA OSTVARIVANJA, UPOTREBE I RASPOLAGANJA SREDSTVIMA UDRUŽENJA KAO - ORGAN OVLAŠTEN ZA NADZOR OSTVARIVANJA, UPOTREBE I RASPOLAGANJA SREDSTVIMA UDRUŽENJA

Član 21.

Udruženje se finansira iz sredstava od članarine, dobrovoljnih priloga i poklona javnih institucija, stranih i domaćih fizičkih i pravnih lica, koji mogu biti dati u novcu, uslugama ili imovini bilo koje vrste, te državne subvencije, kao i prihoda stečenih obavljanjem djelatnosti i aktivnosti Udruženja u skladu sa Zakonom i ovim Statutom. Sredstva i imovinu udruženja ostvarenu kroz aktivnosti udruženja čine stvari, prava i novac i mogu se koristiti isključivo za ostvarivanje ciljeva udruženja.

Član 22.

Finansijsko poslovanje uređuje se se finansijskim planom kojeg usvaja Skupština na prijedlog Izvršnog direktora Udruženja.

Član 23.

O korištenju sredstava u skladu sa finansijskim planom odlučuje Izvršni direktor.

Član 24.

O raspolaganju osnovnim sredstvima, pokriću gubitaka i otpisu nenaplativih potraživanja odlučuje Skupština.

Član 25.

Skupština Udruženja vrši kontrolu i nadzor:

- finansijskih dokumenata, a posebno periodičnih i završnih finansijskih izvještaja;
- nad radom Izvršnog direktora,
- zakonitosti u oblasti finansijskog poslovanja Udruženja; i
- sprovođenja odluka, zaključaka i drugih akata Udruženja.

6. JAVNOST RADA

Član 26.

Rad Udruženja je javan.

Javnost rada ostvaruje se neposrednim informiranjem putem organiziranih foruma te drugih oblika rada i putem sredstava javnog informiranja.

Član 27.

Članovi Udruženja moraju biti redovno, a najmanje jednom godišnje, potpuno informirani o radu Udruženja. Za javnost rada odgovoran je Izvršni direktor.

7. IZMJENE I DOPUNE STATUTA

Član 28.

Skupština Udruženja je isključivo nadležna za izmjene i dopune Statuta. Skupština Udruženja je autentični tumač odredaba Statuta.

Član 29.

Prijedlog izmjena i dopuna Statuta može predložiti/inicirati 1/3 članova Skupštine ili Izvršni direktor Udruženja. Odluka o izmjeni i dopuni Statuta, kao i Odluka o usvajanju novog Statuta se donosi kada za nju glasa 2/3 delegata Skupštine

8. OPIS, OBLIK I SADRŽAJ PEČATA I ZNAKA UDRUŽENJA

Član 30.

Pečat je okruglog oblika prečnika 30 mm, sa sadržajem punog naziva udruženja:« Udruženje za unapređenje obrazovanjaj i podrške djeci sa i bez poteškoća u razvoju «EDUKACIJA ZA SVE»

Za čuvanje i upotrebu pečata odgovara Izvršni direktor Udruženja.

9. ZASTUPANJE UDRUŽENJA

Član 31.

Izvršni direktor, Zamjenik Izvršnog direktora i generalni sekeratar su osobe ovlaštene za zastupanje i predstavljanje Udruženja u pravnom prometu, saglasno Zakonu, Statutu Udruženja i Odlukama Skupštine Udruženja.

10. STATUSNE PROMJENE UDRUŽENJA

Član 32.

Udruženje se može spojiti, razdvojiti ili trasformisati samo u drugo udruženje ili fondaciju u skladu sa Zakonom.

Član 33.

Odluku iz člana 32. o uslovima i postupku za spajanje, razdvajanje i transformiranje Udruženja donosi Skupština 2/3 većinom svih članova Skupštine Udruženja.

Član 34.

Odlukom iz člana 33. naročito se reguliše naziv i sjedište Udruženja, te podjela imovine, prava i obaveze kao i druga relevantna pitanja u pogledu statusnih promjena Udruženja.

Član 35.

Udruženje će svaku statusnu promjenu prijaviti nadležnom ministarstvu u roku od trideset (30) dana od dana nastupanja promjene, a u skladu sa Zakonom.

11. RASPOLAGANJE IMOVINOM I PREOSTALIM SREDSTVIMA UDRUŽENJA NAKON PRESTANKA UDRUŽENJA

Član 36.

Udruženje može prestati sa radom dobrovoljno ili po sili Zakona. Udruženje prestaje sa radom dobrovoljno ako Skupština 2/3 većinom svih članova Skupštine Udruženja donese Odluku o raspuštanju Udruženja.

Pri donošenju Odluke o raspuštanju, Skupština će posebnom Odlukom imenovati likvidatora u procesu likvidacije Udruženja, i regulisati način raspodjele preostale imovine, s tim da se dodjela imovine može vršiti samo drugim neprofitnim organizacijama.

Član 37.

Udruženje, može obavljati privredne djelatnosti samo ako je temeljena svrha takvih djelatnosti ostvarivanje ciljeva utvrđenih Statutom.

Udruženje može obavljati nesrodne privredne djelatnosti (privredne djelatnosti koje nisu neposredno povezane sa ostvarivanjem osnovnih statutarne ciljeva udruženja i fondacija) samo preko posebno osnovane pravne osobe.

Odluku iz prethodnog stava o obavljanju aktivnosti ili osnivanje pravne osobe donosi Skupština Udruženja.

Član 38.

Udruženje za svoje obaveze odgovara cjelokupnom svojom imovinom.

Član 39.

Udruženje može razmjenjivati iskustva i informacije sa drugim udruženjima.

1. Udruženje se može udruživati u Saveze sa drugim udruženjima u Bosni i Hercegovini i inostranstvu.

Odluku o ućlanjenju i udruživanju u smislu stava 1. i 2. ovog člana donosi Skupština na obrazložen prijedlog Izvršnog direktora.

13. ZAVRŠNA ODREDBA

Član 40.

Ovaj Statut stupa na snagu danom donošenja, a primjenjivat će se nakon upisa u registar kod nadležnog ministarstva.

Broj: 01/10
Sarajevo, 01.11.2010.godine

PREDSJEDNIK OSNIVAČKE SKUPŠTINE